

## 4. gr.

*Sala og merking.*

Gróðurhindrandi efni með lífrænum tinsamböndum, sbr. 3. gr., má einungis selja í umbúðum sem eru a.m.k. 20 lítrar og þá einungis til faglegra nota.

Umbúðir slíkra efna skulu, auk annarra lögbundinna merkinga, merktar með eftirfarandi áletrun með skýru og óafmáanlegu lettri: „Notist ekki á skip eða báta styttri en 25 metra að mestu lengd. Notist ekki á skip eða báta, óháð lengd, sem notaðir eru á ám, vötnum eða skipaskurðum. Notist ekki á tæki eða búnað sem notaður er til fisk- eða skelfiskseldis. Notist einungis af fagfólki“.

## 5. gr.

*Eftirlit.*

Heilbrigðiseftirlit sveitarfélaga, undir yfirumsjón Hollustuverndar ríkisins, hefur eftirlit með framkvæmd reglugerðar þessarar.

## 6. gr.

*Viðurlög.*

Um brot gegn reglugerð þessari fer samkvæmt ákvæðum laga nr. 52/1988 um eiturefni og hættuleg efni, ásamt síðari breytingum.

## 7. gr.

*Gildistaka.*

Reglugerð þessi er sett með stoð í 18. gr. laga nr. 52/1988 um eiturefni og hættuleg efni, ásamt síðari breytingum, sbr. einnig lög nr. 7/1998 um hollustuhætti og mengunarvarnir og lög nr. 32/1986 um varnir gegn mengun sjávar.

Einnig er höfð hliðsjón af ákvæðum 4. tl. XV. kafla II. viðauka samningsins um Evrópskt efnahagssvæði, tilskipun 76/769/EBE um samræmingu ákvæða í lögum og stjórnsýslufyrirmælum aðildarríkjanna varðandi takmörkun á sölu og notkun tiltekinna skaðlegra efna og efnablandna, ásamt breytingum í tilskipunum 89/677/EBE og 1999/51/EB.

Reglugerðin öðlast gildi við birtingu. Frá sama tíma fellur úr gildi reglugerð nr. 516/1994 um bann við notkun á efnum sem innihalda kvikasilfurssambönd, arsenefnasambönd og lífræn efnasambönd tins (tríbútýltin).

*Umhverfisráðuneytinu, 30. ágúst 2000.*

F. h. r.

**Magnús Jóhannesson.**

*Sigurbjörg Sæmundsdóttir.*

## REGLUGERÐ

**um breytingu á reglugerð nr. 687, 14. desember 1997, um dragnótaveiðar.**

## 1. gr.

Á eftir 1. málslíð 2. mgr. 3. gr. kemur nýr málslíður er orðist svo: Flytjist heimilisfesti útgerðar út fyrir leyfissvæði, er þó heimilt að veita skipi í eigu þeirrar útgerðar leyfi til dragnótaveiða á sama leyfissvæði og það hafði veiðileyfi á fyrir flutninginn, enda sé skráning skipsins óbreytt og það gert áfram út frá sömu höfn.

## 2. gr.

Frá og með 1. janúar 2001 er felld úr gildi 4. gr. reglugerðarinnar. Frá sama tíma falla niður orðin: „dragnótaleyfi til kolaveiða, sbr. 4. gr.“ í 2. gr.

## 3. gr.

Í stað: „15. júlí“ í 1. mgr. 5. gr. komi: 15. ágúst.

## 4. gr.

Reglugerð þessi er sett samkvæmt 6. gr. laga nr. 79, 26. maí 1997, um veiðar í fiskveiðilandhelgi Íslands til að öðlast þegar gildi.

*Sjávarútvegsráðuneytinu, 30. ágúst 2000.*

F. h. r.

**Jón B. Jónasson.**

*Pórður Eyþórsson.*

## REGLUGERÐ

### um breytingu á reglugerð nr. 578/2000 um álagningu spilliefnagjalds.

## 1. gr.

Við viðauka VIII bætist eftirfarandi:

Úr 89. kafla tollskrárinnar:

<b>8901</b>	<b>Skemmtiferðaskip, bátar til skoðunarferða, ferjur, flutningaskip, vöruflutningaprammar og svipuð för til flutnings á mönnum eða vörum:</b>	
	– Skemmtiferðaskip, bátar til skoðunarferða og svipuð för aðallega hönnuð til flutninga á mönnum; ferjur hvers konar:	
8901.1001	– – Ferjur, hvers konar	21,00 kr./kg rafgeyma
8901.1009	– – Önnur	21,00 kr./kg rafgeyma
8901.2000	– Tankskip	21,00 kr./kg rafgeyma
8901.3000	– Kæliskip, þó ekki skip í nr. 8901.2000	21,00 kr./kg rafgeyma
	– Önnur för til flutninga á vörum og önnur för til flutninga bæði á mönnum og vörum:	
8901.9001	– – Notuð	21,00 kr./kg rafgeyma
8901.9009	– – Annars	21,00 kr./kg rafgeyma
<b>8902</b>	<b>Fiskiskip; verksmíðjuskip og önnur för til vinnslu eða geymslu á sjávarafurðum:</b>	
	– Vélskip:	
	– – Meira en 250 rúmlestir:	
8902.0011	– – – Notuð	21,00 kr./kg rafgeyma
8902.0019	– – – Önnur	21,00 kr./kg rafgeyma
	– – Meira en 100 til og með 250 rúmlestir:	
8902.0021	– – – Notuð	21,00 kr./kg rafgeyma
8902.0029	– – – Önnur	21,00 kr./kg rafgeyma
	– – 10 til og með 100 rúmlestir:	
8902.0031	– – – Notuð	21,00 kr./kg rafgeyma
8902.0039	– – – Önnur	21,00 kr./kg rafgeyma
	– – Önnur:	
8902.0041	– – – Notuð	21,00 kr./kg rafgeyma
8902.0049	– – – Annars	21,00 kr./kg rafgeyma